

6
24da
júní.

setta málsfærslumanns síns, prests eða læknis, skal hann tjá það fangaverði, sem í því tilliti hefir reglur eptir að breyta.

15. gr.

Þessa reglugjörð skal prenta út af fyrir sig, og slá henni upp í hverri fangakompu til leiðbeiningar, svo fangar geti brýnt hana fyrir sér.

Landshöfðinginn yfir Íslandi, Reykjavík 24. júní 1874.

Hilmar Finsen.

Jón Jónsson.

7
22an
júní.

Reglugjörð

fyrir matarhæfi fanganna í hegningarhúsinu í Reykjavík.

Áætlun fyrir 10 fanga.

Sunnudagr:

Uxakjótssúpa eða baunir með svínakjöti. Til þess þarf að hafa

5 pund uxakjöts

$1\frac{1}{8}$ pott bygggrjóna

$\frac{3}{10}$ skeffu kartaflna eða $2\frac{1}{2}$ pd káls

$3\frac{1}{3}$ pund svínakjöts

$3\frac{3}{4}$ pott bauna

$\frac{1}{16}$ skeffu af rófum

Mánudagr og fimtudagr:

Grautr.

Til þess þarf $2\frac{1}{2}$ pund af bygg- eða hálfgrjónum, $7\frac{1}{2}$ pelli af undanrenningi og salt. Sè

mjólk eigi að fá, fær hver fangi 5 kvint af smjöri.

Þriðjudagr og föstudagr:

Súpa af salt-(sauða-)kjöti.

5 pund salts sauðakjöts

$1\frac{1}{8}$ pott bygg- eða hálfgrjóna

$\frac{3}{10}$ skeffu af kartöflum eða rófum.

Miðvikudagr og laugardagr:

Saltfiskr eða blautfiskr og þarf til þess

6 pund af saltfiski eða blautfiski

$\frac{3}{10}$ skeffu af kartöflum

20 kvint af smjöri eða nýrri sauðatölg.

Sérhver fangi fær þar að auki daglega $1\frac{1}{2}$ pund af brauði og 3 pela af undanrenningi, helming til morgunverðar og helming á hvíldarstundinni að áliðnum degi. Á

vetrnar 1. okt. til 1. apr. skal mjólkinn vera flóuð. Á morgnana er skamtad 1 pund af brauði og að áliðnu $\frac{1}{2}$ pund með 2 kvintum smjörs í hvert skipti.

Á jólum, páskum, hvítasunnu og afmælisdag hans hátignar konungsins fá fangarnir aukamáltíð, og má í hvert skipti verja 16 sk. á mann í þessu skyni umfram hið regulega matarhæfi.

Landshöfðinginn yfir Íslandi, Reykjavík 22. júní 1874.

Hilmar Finsen.

Jón Jónsson.

8
17da
ágúst.

Bréf landshöfðingjans (til stiptsyfirvaldanna).

Í þóknarlegu bréfi frá 13. p. m. hafa stiptsyfirvöldin skotið til úrskurðar landshöfðingjans bænarskrá aðstoðarprestis síra Jens Pálssonar vegna föður hans sóknarprestis að Arnarbæli P. J. Matthiesens um að taka megi 600 rd. lán til framkvæmdar ýmsum vatnsveit

ingum á engjum prestsetrsins Arnarbælis þannig, að lánið ávaxtist og endrborgist af prestakallinu á þeim tíma, sem stiptsyfirvöldin nákvæmar til taka. Stiptsyfirvöldin hafa að fengnu álitit kunnugra manna á umgetnum vatnsveitingum, sem staðhæfir að þær muni verða til mikilla hagsmuna fyrir prestakallið, og auka slægjuland og heyföng þess að miklum mun, og að viðhald veitingaskurðanna ekki geti álitist að leggja eptirkomandi prestum í kallinu neina þunga byrði á herðar, þar sem það verði að álita sjálfsagt, að veitingaskurðirnir við prestaskipti verði teknir út með prestsetrinu, ef á þarf að halda með fullu ofanálagi, — mælt með hinni fyrirbyggjandi bænarskrá með þessum skilmálum.

1. Að umgetið 600 rd. lán hvíli á Arnarbælis prestakalli þannig, að það gjaldi árlega vexti af láninu, og endrborgi það með $\frac{1}{20}$ árlega hin næstu ár, eptir að það er begið, og

2. Að lánið sé bundið við það, að prestrinn fyrirfram með hreinum og greinilegum reikningi sanni, að búið sé að framkvæma jarðabætri þær, sem um er getið, þannig að þær að minsta kosti hafi kostað jafnmikið og láninu nemr.

Út af þessu skal hér með þjónustusamlega tjáð til þóknanlegrar leiðbeiningar og birtingar fyrir hlutaðeigðendum, að eg samkvæmt framannefndum tillögum stiptsyfirvaldanna og með þeim skilmálum, er þær til taka, hér með samþykki, að leggja megi 600 rd. lán sem embættislán á Arnarbælis prestakall til framkvæmdar ofannnefndum vatnsveitingum.

Bréf landshöfðingjans (til amtmannsins yfir suðr- og vestrumdæminu).

Í þóknanlegu bréfi frá 2. f. m. hefir hr. amtmadrinn lagt það til, að samþykki megi veitast til að verja 100 rd. af jafnaðarsjóði vestrामtsins til að kaupa hin nauðsynlegustu læknisáhöld handa settum héraðslækni í Stranda- og suðrhluta Bárðastrandarsýslu Ólafi Sigvaldasyni, þannig að þessi áhöld fylgi embættinu sem inventarium. Þar hjá hafið þér látið í ljósi, að þér áður með samþykki dómsmálastjórnarinnar hafið veitt sama lækni 28 rd. 8 sk. af jafnaðarsjóði vestrामtsins til að kaupa læknisáhöld fyrir.

Þar sem eg er hr. amtmanninum samdóma í því, að hina settu héraðslækna ekki síðr en hina föstu héraðslækna beri að gjöra færa um að útyega sér þau verkfæri, sem virðast mega óumflýanleg fyrir læknisembættin, skal samþykki mitt hér með veitt til þess, að verja megi alt að 100 rd. af jafnaðarsjóði vestrामtsins í umgetnum tilgangi með því skilyrði, að ekki verði keypt önnur chirurgisk áhöld en þau, sem landlæknirinn telur óumflýjanlega nauðsynleg fyrir læknisdæmið.

Bréf landshöfðingjans (til stiptsyfirvaldanna).

Stjórnarnefnd stiptsbókasafnsins hefir í bréfi frá 6. f. m. skýrt frá, að bókasafnið á þessu ári hafi í tilefni af 1000 ára hátíð Íslands eignast að gjöf stórmikið safn af góðum bókum bæði frá fornfræðafélaginu í Kaupmannahöfn, frá Vestrheimi, og frá fleiri öðrum stöðum, og að stjórnarnefndinni þyki því full þörf á að láta prenta lista yfir þessar bækur, og senda hann gefendunum; en hún hefir líka farið þess á leit, að þar sem eigin efni stiptsbókasafnsins sé ærið ónóg til að standast þann kostnað, sem af því fljóti, og sem, með því að listian muni verða 6—7 arkir að stærð, eptir áætlun verði als 200 rd., þá megi það fæ, sem til þessa fyrirtækis útheimtist, verða greitt af upphæð þeirri, sem í áætlun um tekjur og gjöld Íslands fyrir yfirstandandi ár er ákveðin til óvissra og ófyrirséðra gjalda.

Út af þessu skal eg hér með þjónustusamlega tjá stiptsyfirvöldunum til þóknanlegrar leiðbeiningar og auglýsingar fyrir stjórnarnefnd stiptsbókasafnsins, að eg af upphæð þeirri,

8
17da
ágúst.

9
14da
septbr

10
19da
septbr.